

Clypevs Theologiæ Thomisticæ

Continens Tractatus de erroribus Pelagianorum, de Gratia, de
Iustificatione & Merito, de Virtutibus Theologicis, & quatuor Cardinalibus,
ac de ineffabili mysterio Incarnationis

Gonet, Jean-Baptiste

Parisiis, 1669

Art. III. Vtrum in primatu totius Ecclesiæ sit aliquis legitimus Petri
successor, illeque sit solus Romanus Episcopus, & quo jure primatus
universalis Ecclesiæ cum Episcopatu Romano conjunctus sit?

[urn:nbn:de:hbz:466:1-77342](#)

Etsi satis superque soluta sint qua^e objici solent, A ut propterea magis eorum argumentorum infirmitas manifesta sit, unum addendum est: scilicet omnia qua^e SS. Patres D. Paulo tribuant, quibus conantur Adversarij probare individuam esse auctoritatem & potentiam inter Petrum & Paulum, eadem ab iisdem Patribus de ceteris Apostolis, maximè vero D. Jacobo, imò etiam aliis Episcopis, aliquando dicta fuisse.

In primis dicitur est D. Jacobus Romæ Episcopus ab Epiphanius hæreti 41. ubi inquit Hyginum Papam successisse in Episcopatu Rōmano, Jacobo, Petro, & Paulo; atque adeò Jacobum fuisse Romæ Episcopum, & quod maius est, Episcopum Romanum. Dicitur præterea Jacobus Petri successor, ab eodem Epiphanius eodem loco, ubi dicit Hyginum Papam novam successionem habuisse à Jacobo, Petro, & Paulo. Propterea dicitur a Chrysostomo homil. 33. in Matth. Apostolatus apicem tenuisse, & à Clemente Romano Epist. 1. gubernasse omnes ubique Ecclesiæ Christi Domini: ac demum Clemens Epist. 1. Jacobum vocat Episcoporum Episcopum, & Pontificem Pontificum, quo sane nihil unquam dici majus potuit de D. Paulo.

Tandem ea omnia de ceteris etiam Episcopis interdum dicta sunt, qua^e supremam & primam dignitatem Ecclesiæ significare videntur. In primis enim ipse Senatus Apollolicus, ut refert D. Clemens lib. 6. Constitutione cap. 14. ad quosdam Syriæ Episcopos, *Scripsimus vobis hanc Catholicam doctrinam, ad confirmando vos, quibus universalis Episcopatus creditus est, & commissus:* & D. Ignatius Epist. 6. vocat Episcopum Philadelphium, *Episcopum communem Ecclesiæ.* Præterea Episcopus interdum dicitur Vicarius Christi in cap. 2. *Mulier debet. 37. quæst. 5.* ubi expressè dicitur, *Episcopus Vicarius Domini est.* Concilium etiam Toletanum 6. in Exordio vocat Episcopos Hispanie & Gallie *Sunmos Pontifices;* & Zozimus Episcopus ad Hesichium, præcipit ut Clerici per gradus Clericatus ad locum ascendant Summi Pontificatus, id est, Episcopatus. Quis vero ideò dixerit omnes Episcopos pares dignitate esse Petrum, & habere regimen totius Ecclesiæ? Placuit hæc pauca ex multis qua^e addi possent advertere, ut quicque intelligat, plurima interdum apud sanctos Patres reperiendi de D. Paulo, tum de aliis Apostolis, ac etiam Episcopis, qua non nisi meram commendationem continet, nec summo vigore intelligi unquam possunt: sed de aliis Apostolis, aut Episcopis, certa quādam analogia, & proportione dicuntur, qua^e de solo Petro cum omni proprietate vera sunt.

72. Questionem hanc fuisse satis explicatam, de uno in duabus, Petro scilicet & Paulo, Pontifice, & ut ita dixerim inversa & imperiali opposita aquilâ, in qua sub uno capite duplex corpus, non duo capita in uno corpore esse dicuntur: Elegantibus versibus claudio, Fortunati lib. 3. Carmi-num, quibus utriusque Petri & Pauli propriissimas dotes explicat.

*Cœlorum porta leti duo lumina mundi,
Ore tonat Paulus, fulgurat arce Petrus,
Inter Apóstolicas radianti luce coronas,
Doctior hic meritis, celstior ille gradu,
Hunc per corda hominū reseratūr, & astra per illū:
Quos docet ille stylo, suscepit iste polo.
Pandit iter cœli hic unus dogmate, clavibus alter:
Est via cui Paulus, janua fida Petrus,*

ARTICVLVS III.

*Vtrum in primatu totius Ecclesiæ sit aliquis legitimus Petri successor, illeque sit solus Romanus Episcopus, & quo jure primatus universalis Ecclesiæ cum Episcopatu Roma-
no conjunctus sit?*

§. I.

*Tribus conclusionibus triplex hac difficultas
resolvitur?*

B

Dico primò, authoritatem regendi universalem Ecclesiæ, non esse cum officio & persona Petri extinctam, sed ad successores ejus transisse.

Conclusio est certa de fide, & colligitur ex verbis illis Christi Matth. 16. *Tu es Petrus & super hanc Petram edificabo Ecclesiæ meam,* quibus Petrum totius Ecclesiæ fundamentum esse significavit: de ratione enim fundamentum est, non modo ædificium inchoare, sed etiam illud perpetuo sustentare & conservare; ruente quippe fundamento, totum ædificium ruat, necesse est: cum igitur adhuc Christi Ecclesia dureret, durare quoque debet fundamentum, in quo sustenteretur: At illud non durat in persona Petri: Ergo in ejus successoribus.

Idem deducitur ex illis verbis Christi Joan. 21. *Pascœ oves meas,* quibus traditur Petru potestas pascendi & regendi omnes oves Christi: Sed Petrus non pavit per se omnes oves Christi: Ergo pavit eas per suos successores, quibus Pastoris officium communicavit.

Adde Christum Ecclesiæ in nova lege non negasse quod Synagogæ in veteri concessit: At Synagoga quandiu perficit, per supremos Pastores Monarchicæ fuit gubernata, statimque ut aliquis è vivis migrabat, alter ex Tribu Levitica in ejus locum sufficiebat: Ergo Ecclesiæ in nova lege iisdem supremis Pastorebus sibi invicem succedentibus debet gubernari; cum hoc tamen discrimine, quod successio Pontificum per carnalem propagationem in veteri lege descenderet, non tam in nova lege, in qua status virginitatis ceteris aliis statibus supereminet, sed per supernaturalem quandam propagationem, nimur electionem, quâ positâ, persona electæ & de signata, supernaturaliter Christus Pastoralem conferit potestatem, & primatum universalis Ecclesiæ.

Confirmatur: Christus teste Apostolo ad Ephesios 4. constitutus in Ecclesia Pastores & Doctores duratores usque ad finem mundi, *Donec occurramus omnes in unitatem fidei &c.* ut jam non simus parvuli fluctuantes, & circumferamus omnivento doctrina, in nequitia hominum, in astutia ad circumventionem erroris. Quod si Pastores alios voluit Christus esse perpetuos, multò magis caput Pastorum, cum magis necessarius sit ad vitanda schismata, extinguendas hærefes, & ad regendam universalem Ecclesiæ.

Confirmatur amplius ex fine ipsius supremi Pontificatus: cum enim non in commodum Petri, aut supremi Pontificis, sed in utilitatem Ecclesiæ institutus sit, juxta illud Augustini de Pastorebus cap. 1. *Quod Christiani sumus, propter nos est, quod vero prepositi propter vos;* & Ecclesia ad

finem usque sit permansura, non debuit, moriente Petro, interire supremus ille Pontificatus, sed tanti permanere, quandiu ipsa Ecclesia.

77. Demum eadem veritas suaderi potest ex facto Petri, qui morti proximus, sibi successorem Clementem declaravit, ut ipse Clemens lib. 3. Constitution. cap. 46. & alij gravissimi Authores testantur; et si alij Petro substituant Linum, & Cle-
tum, & quartum Clementem: quam controversiam sic componit Bellarminus lib. 2. de Romano Pontifice cap. 1. ut Clemens fuerit a B. Petro declaratus successor in Pontificia dignitate, quam ipse humilitatis causâ cessit Lino, & Cleto, qui in Pastorali officio Petru fuerant adjutores, quibus defunctis, successit ipse quartus Pontifex: Non potuistet autem Petrus sibi in successorem aliquem eligere, nisi a Christo didicisset, Pastoralem dignitatem fore semper in Ecclesia per unum aliquid supremum caput conservandam, quia nec ipse poterat propriâ authoritate illam instituere, quam ut Vicarius accepérat, vice Christi gesturus, nec in aliam formam a Christo non traditam commutare: Ergo &c.

Dico secundo, Romanus Episcopus est legitimus Petri successor in primatu totius Ecclesiae.

78. Probatur primò conclusio ex Conciliis generalibus, qui successionem in Petri sede & primatu, generalemque jurisdictionem in totam Ecclesiam, tribuanu Romano Pontifici. In primis enim Concilium Nicænum I. Can. 39. hæc habet: *Sic p̄f̄st Patriarcha iūs omnibus, qui sub p̄f̄stestate ejus sunt, sicut ille qui tenet Sedem Romæ, caput est & Princeps omnium Patriarcharum. Quandquidem ipse est primus, sicut Petrus, cui data est p̄f̄stas in omnes Principes Christianos, & omnes populos eorum, ut qui sit Vicarius Christi Domini nostri super cunctos populos, & cunctam Ecclesiam Christianam. Et quicumque contradixerit, à Synodo excommunicabisur.* Hunc Canonem refert Franciscus Amicus Tract. de fide disp. 6. sect. 3, aitque ex Turiano, & Alano Copio, eum Arabice extare in Bibliotheca Marcelli II. Romani Pontificis, eumque ex codice Arabicō, in Latinam lingua, in hunc modum transferri. *Veneramus secundum Scripturas & Canonum definitionem, sanctissimum Romanam antiquaque Ecclesiam Episcopum, primum esse & maximum omnium Episcoporum. Ut autem cunctis diuinis sua nationibus, imperat Patriarcha, & leges indicit; & uia principio Petrus Christi Vicarius, religiosi, Ecclesias, ceterisque ad Christum rebus pertinientibus, prefetus, Principium Christianorum, Provinciarum, & omnium Gentium Dominus & rex erat: ita ille cuius Principatus Roma est, Petro similis, & autoritate par, Patriarcharum omnium dominatum & Principatus obinet. Huic Sanctioni si quis repugnaverit, & obstere ausus fuerit, iouis Synodi decreta anathemati subjiciatur.*

79. Eadem veritas constat ex Concilio Nicæno 2. A. 2. ubi approbat Epistola Adriani Papæ, in qua habentur hæc verba: *Cujus (Ecclesiæ Romanae) fides per totum terrarum orbem primatum obtinens luceat, omniumque Ecclesiarum Dei caput existat. Et ex Lateranensi sub Innocentio III. cap. 5. ubi sic dicitur: Romana Ecclesia, disponente Domino, super omnes alias ordinaria p̄f̄statis dignitatem obtinens, utpote mater universorum Christi fidelium & magistra. Et ex Lugdunensi sub Gregorio X. ubi Concilium vocat Pon-*

Tom. IV.

A tificem, Vicarium Christi, & successorem Petri. Demum ex Florentino sub Eugenio, in decreto unionis, in quo sic habetur: *Item definitus, S. Apostolicam Sedem, & Romanum Pontificem, in universum orbem tenere primatum, & ipsum Pontificem Romanum, successorem esse B. Petri Principis Apostolorum, & verum Christi Vicarium, totiusque Ecclesie caput, & omnium Christianorum Patrem ac Doctorem existere; & ipsi in B. Petri p̄f̄scendi, regendi, & gubernandi universalem Ecclesiam, à Domino nostro Iesu Christo plenam potestatem traditam esse.*

Probatur secundò conclusio ex consensu & testimonio p̄f̄morum & antiquissimorum Pontificum Romanorum, qui licet in propria causa, sup-
pecti esse non debent, cum ferè omnes fuerint Sancti, & Martyres, subindeque tantam digni-
tatem falso sibi arrogare voluisse, credibile non est.

Eorum testimonia fusè expendit Andreas Du-
vallius, in Tractatu de supra Pontificis pote-
state, parte 1. quæst. 6. eaque in tres classes di-
stribuit; nobis tria vel quatuor, quæ ad rem ma-
gis faciunt, referre sufficiet. Primum sumitur ex
Epistola 3. Anacleti, qui B. Clementi successit;
tertius enim capite illius Epistola, hac verba le-
guntur. *Hoc Sacrosancta Romana & Apostolica Ecclesia, non ab Apostolis, sed ab ipso Domi-
no Salvatore nostro, primatum obtinuit & emi-
nentiam potestatis super omnes Ecclesias, ac to-
tum Christiani populi gregem affectuata est, sicut ip-
se Beato Petro Apostolo dixit: Tu es Petrus &
super hanc Petram edificabo Ecclesiam meam. Pri-
mero ergo sedes est coelesti beneficio Romana Eccle-
siae, quam Beatissimi Petrus & Paulus suo Marti-
rio consecrarent. Sic Roma, quæ prius erat ca-
cedemonum arisficio, omnium errorum mater &
altrix, excussis tenebris, & vanis superstitionum
ritibus abjecta, filiorum Dei, exorto Sole justi-
tiae, facta est copiosa propagatrix.*

Similia docent alij Pontifices: Alexander I. Epist.

91. Relatum est (inquit) ad hujus sanctæ & Apo-
stolice sedis apicem, cui summarum dispositiones
cauſarum, & omnium negotia Ecclesiarum ab ip-
so Domino tradita sunt, quasi ad caput, ipso
dicente Principi Apostolorum. *Tu es Petrus & su-
per hanc Petram edificabo Ecclesiam meam. Pius
I. Christus hanc Sedem Apostolicam, omnium Ec-
clesiarum caput esse præcepit &c. Lucius I. Epi-
stola ad Episcopos Hispanie & Gallie: Ecclesia
Romana, Apostolica est, & mater omnium Ec-
clesiarum. Demum Julius I. Epist. 1. ad Orienta-
les: *Ipsa namque (Ecclesiæ Romanae) omnibus
major & præalta est Ecclesia, quæ non solum Ca-
nonum & Sanctorum Patriarum decretis, sed Domi-
ni Salvatoris voce, singularem obtinuit principa-
tum: Tu es Petrus (inquit) & super hanc Petram
edificabo Ecclesiam meam.**

E Probatur tertio conclusio ex continua suc-
cessione Pontificum Romanorum, in Petri Sede,
descripta & testata ab antiquissimis Authoribus;
Irenæo lib. 3. cap. 3. Tertulliano in carmine con-
tra Marcionem lib. 3. in fine, Epiphanius hæresi
27. Optato lib. 2. contra Patmenianum, Augusti-
no lib. contra Epistolam fundamenti cap. 4. &
plurimis Historicis, quibus non minus creden-
dum est, quæ referentibus continuum seriem
Imperatorum & Regum,

Denum probari potest conclusio, & Ecclesiæ Romanae primatus demonstrari: Primo ex eo quod Sedes Romana semper in fide pura & illi-
bata permanit, cum rauem reliquæ omnes qua-

80.

81.

82.

83.

Nn ij

tuor Patriarchales sedes, Alexandrina, Antiochena, Constantinopolitana, Jerosolymitana, à vera fide & Apostolica doctrina interdum defec-
runt: illa enim potius sedes censetur succedere Ca-
thedra Petri, qua constanter servavit & servat
doctrinam Petri. Unde Marcus Papa Epist. ad
Athanasium, cuius mentio sit in Florentino sess.
20. *Hec sancta*, inquit, & *Apostolica mater, omni-*
nium Ecclesiarum Christi Ecclesia, que per omni-
potentis Dei gratiam, à trahite *Apostolica tra-*
ditionis nunquam aberrare probatur, sed illibata
fine terū permanet, secundum ipsum Domini
pollicitationem. Et Lucius I. Papa & Martyr in
Epistola ad Episcopos Hispanie & Galliae: *Eccle-*
sia Romana, Apostolica est. & *mater omnium*
Ecclesiarum, quae à trahite Apostolica traditionis
nunquam errasse probatur, nec hereticis depravatis
novitatis succubuit, secundum ipsum Domini
pollicitationem. Ego rogavi pro te ut non deficiat
fides tua.

34. Secundò, quia in causis & controversiis fidei, ad Romanam Ecclesiam, velut ad sacram anchoram, SS. Patres semper recurrerunt. Nam Anicetus Papam à Polycarpo, & Eleutherum ab Ireneo, in dubiis circa res fidei, consultum fuisse, scribit Hieronymus in libro de virtutis illustribus: Cyprianus etiam consuluit Cornelium, ut constat ex variis ejus Epistolis ad eundem Pontificem; & Augustinus cum aliis Episcopis Africæ recurrit ad Innocentium I. in questionibus fidei, ut patet ex Epistola 90. & 92. Item Hieronymus Damasum Papam consuluit super questionem de tribus hypothesibus, Epist. 57. ubi sic ait: *Inde mihi Cathedram Petri, & fidem Apostolico ore laudatam cen-*
sui consulendam, inde tunc anima mea postulo
cibum, unde olim Christi indumenta suscepimus, à *Sacerdote victimam salutis, à Pastore praesidium*
ovis flagito. Similiter in toto orbe in causis hæ-
refis, ad Romanos Pontifices missi fuerunt hæ-
retici, ut vel errores suos retractarent, vel eorum
damnationem subirent, ut videre est apud Baro-
nium in Annalibus Ecclesiasticis: de Marcione
quidem, anno 146. de Valentino, anno 155. de
Origene & ejus fautoribus anno 248. de Africani-
mis, anno 254. de Ursacio & Valente, anno 350.
de Vitali, anno 373. de Pelagio & Celestio, anno
418. & 430. & de aliis deinceps, iisdem saeculis &
annis quibus eorum hærefes exorta sunt.

35. Tertiò, Romanus Pontifex non solum erga alios Episcopos & Archiepiscopos, sed etiam erga Patriarchas suam jurisdictionem & authoritatē sapè exercuit, adeo ut Nicolaus I. Epistola ad Michaëlem Imperatorem, octo Patriarchas Constantinopolitanos à Romanis Pontificibus depositos enumeret, inter quos fuit Antimus, seu Antenius, quem frementibus & furentibus Augusto & Augusta, intrepide Agapetus depositus, & in ejus locum Menam virum sanctissimum substituit. Damasus etiam Flavianum Patriarcham Antiochenum depositus, & ad dicendam causam, Romanum venire coegerit, ut constat ex Theodoro lib. 5. hist. cap. 3. Neque solum Romanus Pontifex, Patriarchas quando peccaverunt depositus, sed etiam suis sedibus, si ab aliis quibusdam injuste ejectos esse contingenter, restituit, ut notum est de Athanasio Alexandrino, Paulo Constantinopolitano, & Marcello Ancirano, à Synodis Orientalibus depositis, quos Julius I. restituit: de Chrysostomo item, quem Innocentius I. ab exilio revocari mandavit, & Arcadium Imperatorem, ejusque uxorem Eudo-

xiam, propterea anathemate percussit, ut constat ex Nicephoro libro 3. cap. 34.

Quarto, Romanæ Ecclesie primatus ex eo aperte colligitur, quod semper in Conciliis, in quibus Romanus Pontifex non interfuit, datus est primus locus Legatis ejus, quidquid in contrarium dicat Calvinus. Nam in Niceno prædicto Romani Pontificis Legatos constat, qui enim primi subscripti erunt, fuerunt Hosius Episcopus Cordubensis, Vitus & Vincentius, Romanæ sedis Legati, ut videri potest apud Spondanum anno 325. num. 7. & omnes ferè graves Scriptores qui de Nicena Synodo tractant, testantur. In secundo Concilio Generali, nimirum Constantinopolitano primo, autoritate Damasi celebrato, nulli praesentes fuerunt Legati Pontificis, sed in eo Nestorius Constantinopolitanus Episcopus præfudit: quia (ut inquit Bellarminus libro 1. de Concil. cap. 19.) cum veller Pontifex, post convocatos Orientales Episcopos Constantinopolim, eos vocare Romanos ad celebrandum ibi Concilium, iis justas ob causas se excusantibus, non misit Constantinopolim Legatos, sed permituit ut in eo præsideret Episcopus Constantinopolitanus. In tertio generali, scilicet Ephesino, celebrato anno 431. præfudit Cyrillos Episcopum Alexandrinum, nomine Celestini I. ut constatum ex Epistola Celestini ad Cyrrillum, in qua suas vices illi mandat, eumque instruit, quo pacto debeat ad Nestorium excommunicandum se gerere: *Quamobrem* (inquit) *nostra sedis* *authoritate adscita, nostrâ*
que vice & loco cum potestate usus, ejusmodi non
absque exquisita severitate sententiam exequitur &c. Tum ex Epistola Cyrrilli ad Nestorium, in qua, nomine Romani Pontificis, illi excommunicationem fulminat, nisi resipiscat. In quarto Concilio generali, qui fuit Chalcedonense, loco Romati Pontificis Leonis primi, præsederunt Paschafinus & Lucentius Episcopi, & Bonifacius ac Basilius Presbyteri, qui & primi subscripti erunt, & sententiam contra Dioscorum dicentur, ut ex actis hujus Concilij liquet. In quinto Concilio Generali, quod fuit Constantinopolitanum secundum, Vigilius nullos misit Legatos, quia ut historia hujus Concilij refert, volebat illud celebrare in Italia. Sed hoc non obstante, Concilium illud obtinuit vim ecumenici, propter Romanorum Pontificum approbationem; nam & ipse Vigilius, licet non statim, & alij, approbarunt, ac ratum habuerunt. Unde D. Gregorius libro 1. Epistola 24. non minus hoc Concilium, quam reliqua quatuor priora, universalis Ecclesie consensu ait esse celebrata. In sexto generali, quod fuit Constantinopolitanum tertium, anno 680. celebratum, præfudit Pionifer Romanus per suos Legatos, Theodorum & Gregorium Presbyteros, & Joannem Diaconum, & Constantium Subdiaconum, qui ut ex Concilio appareret, primi ad sententiam dicendam nomine Romani Pontificis interrogantur: primi sententiam dicunt. Et licet primus Imperator & sederit & subscripti erunt, non tamen ut Iudex, sed honoris causâ, & tantum ut cōsentientis iis que à Synodo decreta fuere: *Ego* (inquit) *N. fidelis* in *Christo Iesu Deo Imperator Romanorum, con-*
sentiens omnibus que definita sunt, & ea recipiens. Non igitur ipse definivit, sed quod defini-
*tum fuerat acceptavit. Contra vero Concilij Præsides ita subscripti: *Ego N. definiens sub-**

scripti. In septimo Concilio generali, quod fuit

Nicenum secundum, anno 787. celebratum, loco A Pontificis Romani, præsederunt Petrus Archipresbyter, & Petrus Presbyter, Abbas Monasterij S. Saba urbis Romanae, qui ut ex Concilio constat, primi fuderunt, primi interrogati sententiam tulerunt, primi subscripterunt. In octavo generali, quod fui Constantinopolitanum quartum, anno 869. celebratum, præsederunt Romani Pontifices Legati, Donatus & Stephanus Episcopi, cum Marino Diacono: qui primi sententiam dixerunt & subscripterunt, subscriptente Imperatore post Patriarchas, etiam si rogatus fuisset, ut ante omnes subscripteret. In aliis Conciliis generalibus postea in Ecclesia celebratis, ipsi Pontifices Romani, per se ipsos immediatè præsederunt, ut in quatuor Lateranenibus, in duobus Lugdunensibus, in Viennensi, Florentino, & Lateranensi quinto, sub Leone X. celebrato. In Tridentino vero sub Paulo III. incepto, & sub Pio IV. finito, præsederunt varij Cardinales, à Summis Pontificibus qui tunc Ecclefiam regebant, delegati.

Denique suaderi potest conclusio ex SS. Patribus, præsertim ex D. Bernardo libro 2. de confederatione cap. 8. ubi Eugenium Romanum Episcopum alloquens, sic ait: *Age indagemus diligenter quis sis, quam geras pro tempore personam in Ecclesia Dei? Quis es? Sacerdos Magnus, Summus Pontifex. Tu Princeps Episcoporum, tu heres Apostolorum, tu primatus Abel, gubernator Noe, Patriarcham Abraham, dignitate Aaron, auctoritate Moyses, iudicatum Samuel, Petrus potestas unitio Christus: Et infra: Alij in partem sollicitudinis, tu in plenitudinem potestatis vocatus es. Aliorum potestas certis arctatur limitibus, tua extenditur & in ipsis qui potestatem super alios acceperunt.*

Demum ad ejusdem veritatis confirmationem placet hic transcribere titulum Epistolæ quam Orientales ad Julium III. per Simonem Sulakanum, totius Orientis ab Euphrate usque ad Iudeos Patriarcham scripserunt, quam Masius Bruxellanus ex Syriaco Latinam factam publicavit, ut testatur Spordanus anno 1553. num. 16. Hujus ergo ad Pontificem Epistolæ hac erat inscriptio: *Patri Parum, & Pastori maximo, cincinnanti mitras, unigeniti Sacerdotes & cingenti zonis, Petro temporis nostri, ac Paulo dierum nostrorum; & cingulo comprehendenti universum eorum Christianorum: qui es loco Christi Domini nostri. Tu sedes in sede alta & sublimi Principis Apostolorum, tenentis claves regni cœlestis: cui ore suo salutari Dominus noster dixit, Quidquid ligaveris in terra, erit ligatum & in celo; & super eum fundavit Ecclesiastam suam, adversus quam parte inferi nihil valebunt in generatione generationum. Nunc porro tibi dedit eam Christus Deus noster, & Salvator noster, ut sedes super eam. Tu item es fons vivus, cuius aqua non deficiunt; & quisquis situr in te, aquum est, ut ex te bibat aquas vitales, ut sedet sicut suam. Tu es lucerna qua non extinguitur, sed illustrat omnes creaturem, ut candela qua est supra candelabrum, & ut Joannes Baptista, qui posuit dexteram suam super caput Christi Dei nostri; & in te videt lumen universa Respublica Christiana, qua est protela Ecclesie sancte. Tu es murus fortis civitatis, & matris civitatum Romæ, quam pescatus est Princeps Discipulorum Petrus, & prudens architectus Paulus, qui lumen præbuerunt omnibus hominibus distensis atque implicatis errore Satana. Tu es*

Tom. IV.

caput omnium Patrum, sicut erat Petrus caput omnium Discipulorum, cui est data sedes alta & sublimis in terra; sic his ultimis temporibus alta & excelsa est sedes tua, ipsa Roma, magna & celeberrima.

Dico tertio, conjunctionem primatus universalis Ecclesie cum Episcopatu Romano, neque esse de jure humano Imperatorum, nec de jure purè Ecclesiastico, seu ex sola dispositione Petri, qui talem conjunctionem fecit, sed etiam de jure divino instituto à Christo, id est ex speciali ordinatione Christi, subindeque ad Ecclesie universalis primatum, non posse alium eligi, quam Episcopum Romanum.

Prima pars constat, quia ut suprà art. 1. ostendit, Princesse seculares nullum jus habent in res Divinas & Ecclesiasticas, sed solum in temporales & humanas. Unde falsum est quod de Phoca Imperatore, & Pipino Gallorum Rege commentator Calvinus, quod ille primatum dederit Bonifacio III. hic jurisdictionem in Gallicam Zachariam; constat enim ante Pipinum Romanos Pontifices jurisdictionem spiritualem habuisse in Gallos, & Phocam tantum declarasse Imperiali Edicto contra Cyriacum Patriarcham Constantinopolitanum Oecumenici titulum sibi usurpatem, soli Episcopo Romano jure competere: ut videtur est apud Baronium anno 6 e.g.

Secunda vero pars non est ita certa: nam Sotus in 4. dist. 24 quest. 2. art. 3. Bannez 2. 2. quest 1. art. 10. dubio 4. & alij docent, jure divino supremum Pontificatum non esse annexum Episcopatu Romano, sed tantum ex jure Ecclesiastico, & ex facto D. Petri, qui cum primatum à Christo esset consecutus, Antiochenam sedem deseruit, & Romam sedem suam usque ad mortem figere voluit; ideoque dicunt Ecclesie constitutione fieri posse, quod Summus Pontifex Sedem Romanam cum altera muter, seu alibi transferat, vel etiam quod nulli se sedi addicat, instar Pauli, qui nusquam sedem statam & fixam habuit.

Opposita tamen sententia, quam tenent Cajetanus opusculo de primatu Romanæ Ecclesie, Canus libro de locis Theol. cap. 4. 5. & 6. Turrecremata in cap. Rogamus. Bellarminus, Valentia, & alij, quibus novissime subscripti dominicus à S. Trinitate, Carmelitaiscalceatus, tomo 3. Bibliotheca Theologica lib. 3. sect. 4. cap. 8. videtur probabilior: Tum quia Marcellus Papa in Epistola ad Antiochenos scribit Petrum dominum jubente venisse Romanam, & ibi fixisse suam sedem: *Petri sedes (inquit) primius apud vos fuit, postea JVVENTE DOMINO, Romanam translata est.* Tum etiam, quia D. Ambrosius libro 5. Epistola 32. D. Gregorius in explicatione 4. Psalmi preuentionalis, & Eusebius libro 3. de excidio Hierosolymitanorum cap. 2. narrant, cum Petrus carcere solitus, Romam exire, Christum illi occuruisse & Petruo interroganti, quod pergeret, respondisse: *Vado Romanam iterum crucifigi.* Quo responso Petrum intellexisse dicunt, sibi divinitus mandari ut Romanam reverteretur, & ut morte sua supremum orbis Pontificatum in Romana Sede perpetuo stabiliter. Quod urget Papa Gelasius in decreto de Scripturis Apoclyphis. Addo quod, nisi speciali Dei ordinatione, ac divino proinde jure, supremus Ecclesie primatus est inseparabilis à Sede Romana, fuisset aliquando separatus; cum tot fuerint hujusmodi separationis occasions, tempore Imperatorum,

89.

90.

Nn iiij

Tyrannorum, Gothorum, & aliis, quod tam
men nusquam factum legimus. Quando enim
Summi Pontifices Galli, Clemens V. Joannes
XXII. Benedictus X. Clemens VI. Inno-
centius VI. Urbanus V. & Gregorius XI.
Avenionis in Gallia 73. annorum spatio commo-
rati sunt, non desinebant esse Romani Episcopi,
& dignitas Pontificatus semper remansit in illis
Pontificibus Episcopatu Romae conjuncta, ut
videre est in Bullis Pontificis ibi ab illis datis.

51. Varias autem hujus divinae ordinatio &
stitutionis assignat congruentias Baronius Tomo
primo Annalium, quarum præcipua ex urbis
splendore & maiestate sumitur: decebat enim ut
sicut olim ante Christi adventum electa fuit Jero-
solyma caput & sedes omnium Synagogarum, in
qua Summus Pontifex cum suo Concilio reside-
ret: ita post ejus in cœlum ascensum, eligeretur
Roma caput & sedes totius orbis, in qua Christi
Vicarius resideret, ut lux veritatis quæ in omni-
um gentium revelabatur salute, efficacius se ab
ipso capite per totum mundi corpus diffundere (ait
Serm. de SS. Petro & Pau-
lo. Leo Papa) magisque constaret doctrinæ Evangelie
virtus & efficacia, ut quæ fuerat omnium
errorum auctrix, fieret magistra cultrixque veri-
tatis. *Hic* (subdit idem Papa) concilcanda Philo-
sophie opiniones, hic dissolvenda erant terrena
sapientia vanitates, hic confutandi demonum
cultus, hic omnium sacrilegiorum impietas de-
frenenda: ubi diligentissimæ superstitione habe-
batur collectum, quidquid usquam fuerat vanis
erroribus institutum.

Ex his intelliges, Romanum Episcopatum, &
primatum totius Ecclesiæ, non esse duas sedes,
aut duos Episcopatus, sed unum, qui Petri fa-
cto, & Christi mandato, enectus est ad Episco-
patum totius orbis, in cuius signum non datur
nisi unum pallium Episcopo Romano, ut notavit
Bellarmine libro de Pontifice.

§. II.

Solvuntur objectiones.

22. **C**ontra primatum Romani Pontificis obji-
ciunt hæretici: Concilium Nicænum non
totum orbem, sed certam regionem regendam
assignat Romano Pontifici: Ergo non habet pri-
matum in totam Ecclesiam. Consequenter patet,
Antecedens probatur ex Canone sexto illius
Concilij, ubi sic habetur: *Antiqua consuetudo seruetur per Aegyptum, Lybiam, & Pentapolim,*
ita ut Alexandrinus Episcopus horum omnium habeat potestatem; quia & urbis Roma Episcopo
parilis mos est. Quibus verbis (inquit Calvinus)
assignatur Romano Pontifici certa regio guber-
nanda, eaque per exigua, declaraturque unus ex
Patriarchis, non autem caput aliorum.

Verum ad hunc Canonem duplex adhiberi po-
test solutio. Prima est, Nicænum eo loco non
comparare Episcopum Alexandrinum cum Ro-
mano Pontifice, ut Pastore universalis, sed tan-
tum ut Patriarcha Occidentis, & in eo ambo
ut Patriarchas parilem velle habere potestatem
in Ecclesiæ variatum Provinciarum, sibi ut Pa-
triarchis subditas. Quod ut magis explicetur:
Sciendum est, Romanum Pontificem, præter
Summum totius orbis Pontificatum, cuius bene-
ficio in quoilibet Patriarchas jus haberet, tribus
alii dignitatibus instruendum & decoratum esse.
Prima, quod sit Episcopus urbis Romæ: Se-
unda, quod Archiepiscopus, tertia, quod Pa-

A triarcha. Quatenus Episcopus, potestas ejus Ro-
mano districtu coegeretur; ut Archiepiscopus la-
tiū se extendit, sic enim vicini Episcopi ei spe-
cialius quam reliqui totius orbis subjiciuntur;
quatenus vero Patriarcha, quafdam Provincias,
ut & reliqui Patriarchæ, sub suo regimine haberet,
multo tamen ampliores quam alijs. In dignitate
ergo Patriarchatus, parilis illi mos est, juxta
prædictum Canonem Concilij Nicæni, cum Pa-
triarcha Alexandrino, & ceteris Patriarchis,
quia nimis ut Patriarcha, præstet suis Provin-
ciis, ad modum aliorum Patriarcharum.

Secunda, & fortè melior hujus Canonis ex-
plicatio est, Alexandrinum Patriarcham debere
gubernare illas Provincias, quia Romanus Pon-
tifex, ante omnem Conciliorum definitionem,
consuevit permettere Episcopo Alexandrino re-
gimen Ægypti, Libye, & Pentapolis; sive con-
suevit per Alexandrinum Episcopum illas Pro-
vincias gubernare. Sic intellexit hunc Canonem

Nicolaus I. in Epistola ad Michaëlem, ubi ait
Concilium Nicænum nihil statuisse circa Roma-
nam Ecclesiam, quoniam potestas ejus non ab
hominibus, sed a Deo est, sed tantum ex forma
Romanæ Ecclesiæ constituisse statum aliarum
Ecclesiæ. Illique videtur suffragari textus

Græcus, τὸν οὐαίστην, id est hoc afflu-
tum est, quod non significat paritatem, seu
æqualitatem inter Alexandrinum & Romanum
Episcopum, ut notat Jovérius ad marginem hu-
jus Canonis. Et sane quod hæc interpretatio legiti-
ma sit, & Concilium eo Canone non intendat

certam regionem regendam assignare Romano
Episcopo, eique primatum in totam Ecclesiam
denegare, ut contendit Calvinus, pater primò
ex eo quod in Concilio Chalcedonensi Art. 16. à

Paschacio Episcopo sic Canon ille sextus Concilij
Nicæni recitat: *Ecclesia Romana semper ha-
buit primatum, antiqua autem consuetudo ser-
vetur &c.* Quocirca Patres Concilij post lectum
illum Canonem dixerunt: *Perpendimus omnem*

primatum, & honorem præcipuum, secundum
Canones, antiqua Rome Deo amantissimo Archie-
piscopo conservari. Unde valde probable est

quod Bellarmine assert in libris vulgatis deesse
initium hujus Canonis sexti Concilij Nicæni, ni-
mirum verba illa à Paschacio in Chalcedonensi

recitata: *Ecclesia Romana semper habuit pri-
matum.* Nam Julius I. Epistola ad Orientales Epis-
copos ait ex decreto Nicæna Synodi definitum
esse, Romanam Ecclesiam inter omnes prima-
tum tenere; ipsaque Sacrofæcta Synodus Can.
39. supra conclus. 2. relato, & in Bibliotheca
Marcelli II. Arabicæ scripto, hæc habet: *Sic*

*præst Patriarcha iis omnibus qui sub potestate ejus
sunt, sicut ille qui tenet sedem Romæ, caput est
& Princeps omnium Patriarcharum.*

Obijcunt secundò hæretici: Gregorius Mag-
nus lib. 4. Epist. 32. recusat dici universalis Epis-
copus, & hoc nomen, tanquam prophanum, ac
fastum & superbiam præ se ferentem, respuit.

Erit alia Epistola hæc scribit: *Ecce in prefatione*
Epistola quam ad meipsum qui prohibui direxisti,
*superbae appellationis verbum, universalem me Pa-
ram dicens, in primere curasti, quod peto mihi ultra*

santitas vestra non faciat. Ergo censet B. Grego-
rius, Romanum Pontificem non habere prima-
tum in universam Ecclesiam.

Respondeo nomen hoc universalis Episcopi, 96
& equivocum esse, & duobus modis intelligi &
ultrapari posse. Primo quidem ut ille qui dicitur

universalis, intelligatur esse solus Episcopus, A omnium urbium Christianarum, subindeque alij non sunt verè Episcopi, sed tantum vicarij illius. Secundò, ita ut alijs remanentibus verè Episcopis, ille curam habeat totius Ecclesiarum, sed generalem, & propria aliorum Episcoporum munia non excludentem. Cùm ergo D. Gregorius nomen Episcopi universalis, tanquam prophanum, & fastum ac superbiam præ se ferens recusat, tale nomen primo modo usurpat, ut patet ex verbis quæ subiungit, quia vobis subtrahitur, quod alteri plus quam ratio exigit præbetur. Et paulo post: Si enim universalem me Papam vestram Sanctitas dicit, negat se hoc esse quod me facetur universum (id est Patriarcham in totam Ægyptum, Lybiam, & Pentapolim) recessant verba, quæ vanitatem inflant, & charitatem vulnerant. Et lib. 7. Epist. 69. ad Eusebium: Si unus universalis est, restat ut vos Episcopi non sitis. Itaque cùm Papa universalis Episcopus dicatur, tale nomen sumi debet in secunda acceptance, quatenus scilicet, reliquis Ecclesiarum Prælatis in integrum remanentibus, tanquam caput universalis Ecclesiarum præstet: sicut enim reliqua corporis membra, quamvis ab influxu capitis pendent, propria munia obeunt; sic & Episcopi proprium munus & dignitatem servare non desinunt, quamvis à Pontifice tanquam ab universalis capite dependant, & omnis eorum potestas ab eo deriveretur. Et in hoc posteriori sensu Concilium Chalcedonense nomen universalis Episcopi Romano Pontifici tribuit, & ante illud Concilium, plures Romani Pontifices, ut Sixtus I. Victor II. Leo I. illud legitimè usurparunt: D. tamen Gregorius ab eo abstinuit, ut humilitate & modestia, Joannis Constantinopolitanus, qui universalis titulum usurpabat, arrogantiam penitus frangeret atque confunderet.

97. Tertiò objicit Calvinus: Si ideò Romana Ecclesia primatum obtineat, quia illuc usque ad extremum sedet Petrus, deberet Antiochia secundum locum tenere, cùm longo tempore Antiochenam sedem Petrus teneret; Jerosolyma tertium, cùm in ea Jacobus federit, & quartum Ecclesia Ephesina, cùm eam fundaverint Paulus, & Joannes, qui usque ad mortem illam rexit: Sed hic ordo non servatur inter illas Ecclesias, cùm Antiochiam præcedat Alexandria, & Jerosolyma fuerit semper ultima: Ephesina verò Ecclesia nullum habuerit certum in Conciliis locum: Ergo &c.

98. Respondo numerum & dignitatem Patriarchalium sedium non pendere ex dignitate Apostolorum qui in illis federunt, sed ex dispositione & voluntate Petri, ut testantur Anacletus, & B. Gregorius: ille enim Epist. 3. sic habet: Prima sedes est ecclesiæ beneficio Romana Ecclesia. Secunda autem sedes apud Alexandriam Beati Petri nomine, à Marco ejus Discipulo atque Evangelista consecrata est. Tertia autem sedes apud Antiochiam ejusdem, id est Beati Petri Apostoli nomine, habetur honorabilis: quia illuc, priusquam Romanam veniret, habitavit. & Ignatium Episcopum constituit. Ille verò lib. 6. Epist. 37. ad Eulogium Episcopum Alexandrinum hæc scribit: Itaque cùm multi sint Apostoli, pro ipso tamen principatu sola Apostolorum Principis sedes in autoritate convaluit, que in tribus locis unius est. Ipse enim sublimavit sedem, in qua etiam quiescere, & presentem vitam finire dignatus est. Ipse decoravit sedem, in quam Evangelium

stam Discipulum misit. Ipse firmavit sedem in qua septem annis, quamvis discessum, sedet. Cum ergo unius atque una sit sedes, cui ex autoritate divinæ nunc Episcopi præsident, quidquid ego de vobis audio, hac mihi imputo. Hac Gregorius: quibus verbis constat, hanc Patriarchalium sedium divisionem factam esse voluntate Petri. Cur autem Alexandria prælata sic Antiochiae, cùm tamen Antiochiae Petrus per seipsum federet, rationem reddit Baronius in compendio Spondani anno 45. num. 16 quia nimirum Alexandria tunc temporis erat quasi totius orbis theatrum, ad quod ex omnibus mundi partibus universæ ferè gentes confluabant.

B

ARTICVLVS IV.

An facta legitima electione Summi Pontificis, immediatè & per se primò sit de fide, hanc personam in particulari, v. g. Clementem IX. esse verè Pontificem?

§. I.

Quibusdam præmissis referuntur sententiae.

Suppono primò, dupliciter aliquid dici posse 99. S de fide divina, nimirum vel immediatè, sive formaliter, vel mediatè tantum, sive virtualiter. Illud dicitur esse de fide divina immediatè, quod immediatè revelatum est à Deo; mediatè vero, quod evidenter inferitur ex una propositione immediatè à Deo revelata, & ex alia lumine naturali nota. Exemplum veritatis primi generis est, quod Christus sit homo; secundi, quod sit rifiables.

Suppono secundò, difficultatem in titulo propositam non esse de Summo Pontifice cuius electionem nullam esse declaravit Ecclesia, nec de eo cuius electio est dubia, & nondum determinata, sed de Summo Pontifice quem legitimè electum fuisse declaravit Ecclesia, acceptando eum in Summum Pontificem. Ideoque in titulo posui- 100. mus, facta legitima electione Summi Pontificis. De illo ergo Pontifice legitimè electo, & ab Ecclesia acceptato, qualis nunc est Clemens IX. feliciter Ecclesiam regens, inquirimus, an immediatè & per se primò sit de fide illum esse verè Pontificem. & Ecclesia caput?

Partem negantem tenere videntur ex Thomistis Turrecremata, Cano, & Bannez, expresse 101. verò eam docet extra Scholam D. Thomæ Alphonsus à Castro lib. 1. adversus hæreses cap. 9. ubi hæc scribit: Quamvis credere teneamus ex fide, verum Christi successorem esse supremum totius Ecclesiæ Pastorem, non tamen teneamus eadem fide credere, Leonem, aut Clementem, esse verum Petri successorem, quia non tenemus ex fide Catholica credere, eorum quemlibet rectè & canonice fuisse electum. Unde concludit, quod qui hoc negaret, non esset dicendus hæreticus, sed schismaticus.

Affirmativa tamen sententia communior est inter Theologos, eamque ex Thomistis expresse docent Joannes à S. Thoma 2. 2. Tractatu de Summo Pontifice disp. 2. art. 2. & Dominicus à S. Trinitate tomo 3. Bibliothecæ Theologicae lib. 3. scđt. 4. cap. 10 ubi eruditè hanc questionem pertractat. Est tamen inter Autores hujus sententiaz aliqua differentia, quia aliqui dicunt

102.